

लईका मन बर बाईबिल
प्रस्तुत करत हवे।

फिरोन



लिखे गए हवे। : Edward Hughes

उत्साह बढ़े गए हवे। : Janie Forest; Alastair
Paterson

चयन करे गए हवे। : Lyn Doerksen

अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org

©2021 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।





फिरोन अब्बड़ जंगाए रहिस ।
मूसा कर बिचवइयां ले भगवान
हा ओला आग्या दे रहिस कि
इसरायली गुलाम मन ला
मिसर म ले ओहा जान
दे । लेकिन ओहा इ ले
मना कर दिस ।






“ओमन ले अउजम के बुता
करवावा,” फिरोन हा अपन
गुलाम मन के अधिकारी मन
ला आदेस दिस। अब जीनीस
मन इसराइली मन बर अउ
घलाव खिक हो गए रहिस।



“अपनेच ले पुआल ऐकठ्ठा करव। अब हमन ऐला देहे नई सकन।
लेकिन ईटा ओतकीच संख्या मा बनए ल चाहि।” इ सब्बो फिरोन
के नावा आदेस रहिस।



कुछु गुलाम मन करा
पुआल एकट्ठा करए बर अउ
ओतकीच संख्या म ईटा बनाए
बर परयाप्त बेरा नई रहिस,

एखर बर टोली के मुखिया हा
तेउन ला कोर्ल ले मारिस।





मइनखे मन अपन ई
पीरा बर मुसा अऊ
हारून ल दोषी
ठहराईस । मूसा ला
पराथना करए बर
एकठी जघा
मिलिस ।





ओहर कहिस,
“हे भगवान तएहर
अपन मइनसे मन
ला अबगा नई बचाय
हावस” ओहा रोईस
भगवान हा
जुआब दिस,

“मय हा यहोवा हावाँ,
अउमय हा तोला
निकार के बाहिर
लानहुँ।”



फेर भगवान हा मूसा अउ
हारून ला फिरोन करा
वापिस भेजिस । जभे
सकतीशाली सासक
हा भगवान के सेवक
ले एकठी चिन्हानी
बर कहिस,

तभे हारून कर
लउठी एकठी रेंगत
हावे साँप म
बदल गिस ।





फिरोन कड़कत आग्या दिस
“मोर जादूगर मन ला बुलावा”
जभे मिसर के जादुगर मन
अपन लउठी मन ला तरी म
राख दिस तभे ओकर लउठी
घलो सांप बन गिस। लेकिन
हारून के लउठी हा दूसरमन
ला लिल दारिस। फेर घलाव
फिरौन के मइनखे मन ला जाए
बर नट दिस।



आघु भोरहा, मुसा अउ हारून नदिया के तीर म फिरोन ले भेंट करिस। जभे हारून अपन लउठी ला बाहिर अंगत निकारिस तभे भगवान हा पानी ला लहु म बदल दिस। सब्बो मछरी मन



मरए लागीन।
मइनसे मन इ
पानी ल पीए नई
सकत रहिन।

लेकिन फिरोन अपन मन ल कठोर करिस। ओहर इसराली मन ला मिसर ला छोड़ के जान नई दिस।





फेर मुसा हा फिरोन ले कहिस कि
भगवान के मइनसे मन ला जान देव ।

फिरोन फेर इनकार
कर दिस । भगवान
एकठी अउ महामारी
ला भेजिस सब्बो अंगत
मिसर मा बेंगा ले भर
गिस । जमो घर मा
सब्बो कुरिया मा, इहाँ
तक कि जेमा राँधे ते
हड़िया म घलाव बेंगा
हा भर गइस ।






विनती करवं कि
भगवान हा इ बेंगा मन
ला हमन ले दूरिहा
कर दे, "फिरोन हा
निवेदन करिस" अउ
कहिस मय हा तुहर
मइनसे मन ला जान
दिहा। जभे, बेंगा
मन चल दिन, तभे,
फिरोन के मन हा
बदल गिस। मय हा
दास मन ला नई
छोड़व।




तभे भगवान हा अरब के संख्या म नान-नान कीरा, मकोरा ला भेजिस। सब्बो मइनखेमन अउ पशु मन के ओखर चाबे ले खुजरी होईस। लेकिन फिरोन तहुले भगवान बर मइनसे ला नई छोड़िस।





फेर भगवान हा ओमन में
माछी कर झुंड ला भेजिस ।
भगवान हा मिसरी मन के
पशु मन ला मारे बर
रोग ला भेजिस ।





भगवान हा पिराइया घाव ला
भेजिस । मइनसे मन अब्बड़
पिरा ला सहीन तहुले
फिरोन भगवान कर
विरोध करिस ।





पिरोइया घाव के
बिपत्ती के पाछु भगवान
तिल-चट्टा के झुंड
ला भेजिस। तिलचट्टा
मन पूरा देस म सब्बो
हरियर नान-नान रूख
ला खा दारिन।






फेर भगवान हा तीन
दिन के बिरबिट
अंधियार ला भेजिस।
लेकिन अब्बर जिद्दी
फिरोन इसराएली मन
ला नई छोडिस।



भगवान हा चेताइस
“मय हा एक ठी अउ
महामारी भेजिस “कम
से कम रथिया आधा
म, मइनसे अउ पशु
मन के सब्बो पहिलउठा
मारे जाहिं।” भगवान
इसराइली मन ले
कहिस, अगर ओमन
अपन घर के चौखट
म छेरी के लहु ला
लगाही त ओखर पहिल
उठा हा बहाच जाहि।





लगभग आधा रथिया के, एकठी
बड़खा बिलाप मिसर मा सुरु
होइस। मउत हा ठकठकाइस।
हर घर म कम से कम एक ठी
मइनसे कर मउत होए रहिस।





“इहाँ ले दूरिहा चल देवा,” फिरोन
हा मूसा ले बिनती करिस। “अपन’
परभु के सेवा बर जावा,” झठ के
भगवान के मइनसे मन मिसर के
सीमा ले बाहिर चल दिन।





भगवान हा फसह के रथिया ला
सुरता करए बर मूसा ले कहिस, काबर
कि भगवान के दूत हा इसराइली मन
के घर ले होके गईस, अउ फिरोन अउ
ओखर मइनसे मन ला मार डारे रहिस ।





मिसर म 430 बछर बितए के पाछु,
भगवान के मइनसे मन अब आजाद
रहिन। भगवान दिन म बादल के खमभा,
अउ रथिया कुन आगि के खमभा के रूप
म हो के ओखर अगुवाई करिस।





लेकिन फिरोन हा
इसराइली मन के संग
मा रहे तक सीमित नई
रहिस। फेरले, ओहर
भगवान ला भूलागिस।
फेर ले ओहर अपन
मनला बदल लिस।





ओखर सेना ला जोर
के दास के पाछु चल
दिस। झट के, ओहर
बड़खा पथरा अउ
समुद्दर के बीच मा
ओमन ला फसाए
पाइस।



मूसा हा कहिस, “यहोवा तुहर बर अपनेच लड़ही” मूसा
पानी के तीर म आघु गिस, अउ अपन हाथ ला फइलाइस ।



एक ठी अद्भुत
चमतकार होइस ।
भगवान पानी के बीच म
ले एक ठी डहर खोल
दिस । मइनसे मन
सुरछित ओखर बीच
ले पार हो गिन ।



तभे फिरोन के सेना लाल सागर म परवेस करिस ।
सैनिक मन सेचिन, “अब हमन ओमन ला धर
दारबो ।” लेकिन भगवान हा पानी
ला फेर एके कस कर दिस ।



जाने माने मिसर के सकतीसाली सेना ला
समुंदर हा लिल दारिस। अब फिरोन जान
दारिस की इजरायल के भगवान हा
सब्बो इन कर भगवान हावय।



फिरोन

इ कथा हर भगवान के बचन के द्वारा एक ठी बाईबिल

पाए जाथे ।

निरगमन 5—15

"आप मन कर बानी हर एला अंजोर देथे ।"

भजन संहिता **119 % 130**



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

